

خيم الموت اعلى طيبه والدمع منها بحزن يجري دم
ثاكله وجفن المآسي ذبل من رحل راعي المجد والشيم

وكل محب قلبه على الباقر يولي إنكسر
غارق إبموج المصيبه ودمعه منه إنهمر
ظلمه بعيونه الوسيعة ومخفي عنها النظر
يبجي وبجمر المصيبه كل وجوده إستعر

يرسل الونة الخفيه من يحن ويون
يم قبر إمه الزجيه فاطمة بكل حزن
ويرسل الدمعه الي تهمني وتنزل اعلى الجفن
للي في وسط القبر كل ساعة حسره وتحن

يالرحل وإقليبه يسعر جمر ما أظن بعدك يظل كل صبر
من يمر ذكرك يخير العمل يرحل إوياك النفس والعمر

ترحل وتترك يتامى يالولي حايره
معذبه ومن فقدك الليله تظل ساهره
تبجي من عظم المصيبه والقلب يلتهب
والمدامع يا أمها عالوجن ماطره

ما تريد الدنيا بعدك وإنته عنها تشيل
وتدري الخيمه عمدها لو تقووض تميل
يا أبو الصادق ترى خطبك عظيم وجليل
والقلب بعدك وحق جدك تراه عليل

قطع ونه بأثرونه ورحل عنا وتركنا أيتام
ولجله الكون بقى محزون بدمع لعيون ينوح أيام
وأيتامه في دراه بيهم تشب ناره محتاره محتاره
بهذي الرزيه
رمز الشرف والدين عنهم رحل والعين منهم تصب كل حين
صبح ومسيه

بعد فراقك أبد منساك وتظل ذكراك يضي عيني
على بالي يهل الغالي وفي دلالي بمدى سنيني
حاشى أنا أنساك عشت العمر وياك الله على فراقك
هاللي ذهني
يا ريت ادفنوني هالساعة يعيونني ولا أبقى لشجونني
بعدك يحصني

ما شفت راحة يزمان الغدر صوب إسهامه بسنين العمر
كل حياتي مؤلمه من شفت جدي مرمي وفوقه صاعد شمر

إنرسمت بعيني صور طف كربله والبلى
طفله محزونه وأبوها جثته مجدله
وخيمه محروقه ونسا تتصارخ ومعوله
هذي تنعى الي رحل وهذي بأسف تاكله

فاجعه ماكو مثلها إبهالدهر فاجعه
حاويه الكل المصايب والمحن جامعه
ما أظن أنسى الجرى لا والله في كربله
وأنا بعينيوني شفت إبصدر الأبو جامعه

في مهد أدهى المصايب عشت ومن ثدي كل الماسي إرضعت
وبالصدر عاش الحزن والألم وما رحل حتى إمراره تمت

هالدهر ما أنصف إويايه بحياتي أبد
نحل إعظامي وأخذ من عندي كل الجلد
من صغر سني تركني بالهضم أنولي
وبالسبي خلاني أدخل من بلد لابلد

ما جنت أحسب أشوف حسين فوق الثرى
جثته بألف وتسع مية جرح عافره
وما جنت أحسب أشوف العم على العلقي
وبعده زينب تبقى في طف البلا حايره

البطل وينه يجي لينه بعد عينه تمررنا
حرم وأيتام بحمي الظلام لدرب الشام يسبوننا
ما ظن يبو فاضل وانته لنا كافل يسبيننا كل جاهل
ياللي إكفلتنا
إنهض يبو الغيره رجعنا للديره حيره بأثر حيره
يالفارقتنا

إجتني إمنين طفوف حسين عمت للعين وآذني
خذت عباس أبو الإحساس وبعده الناس تنظرني
ريت العمر ما جان ولا أبقى في أحزان وأنظر الى العيطان
يصرح يجدي
مرمي على التربان والرمل إليه أجفان لا عزوة لا إخوان
بس أني وحدي

قُم واذن يا غياث الورى يأتك الفوج بكل القرى
وابعث الناس لحشر دنا ما سواك نِعَمَ من ذكَّرا

تزحف الناس تلبيك بكل النداء
أنت يا وراث طه خاتم الأنبياء
جللتهم رحمات الله في حجبهم
وهم في قرب رب الأرض رب السماء

تحرم الخلق وتسعى سعيها في هواك
كعبة أنت إليها ما هناك سواك
أنت مرواها وأنت الحج أنت الصفا
كل من طاف عليك نال منك عُلاك

تلبيات الخلق في حبكم فوجود الخلق من فضلكم
لبت الناس نداء الولا والنداء مالنا غيركم

حجر الرمي على من خالف الأوصياء
خلفاء الله بعد حجة حجة الأنبياء
فهو يُرمى مثل شيطان علا في الورى
وعصا الرحمان حتى صار كالأشقياء

نحن لبينا لحج فيه نسل الهدى
باقر العلم الذي هز علاه المدى
فيه تيهنا وقضينا العمر في حبه
فهو بحر العلم والجود وبحر الندى

فكم جرح لنا يشخب وما عدنا نداويه
وكم سقم بنا يسري وما زلنا نعانيه
هيا الى الوحدة فالله يدعونا صفا الى صفِ والله أكبر
ماذا ترى نجني من فرقة تعني نصرا الى من فينا تجبر

فيا الله يا رحمان فرج عن آهالينا
عراق الخير والعزة ومن فيه موالينا
ندعوك في الشدة يا من له العزة خذ ثارنا ممن
قد ظلمونا
عجل لنا نصرا يا واهب النصر فالنفس قد ضاقت
لم يرحمونا